

Inatsisartut suleriaasianni § 33 naapertorlugu matumuuna Inatsisartut aalajangiiffigisassaattut siunnersuut imaattoq saqqummiuppara:

Raajarniarnermi qalunut ristit atorneqartartut susassaqartut peqatigalugit nalilersuiffigeqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Tassani raajarniarnerup inuussutissarsiutaanerata pitsanngorsarnissaa piujuaannartitsinerlu ataavartumik ingerlanneqarnissaa siunertaallutik.
(Inatsisartunut ilaasorta q Saxtorph Didriksen, Siumut)

Tungavilersuut

Kalaallit nunatsinni raajarniarluni ristiniq atuutsitsilersimanitta kinguneri qanoq raajanut kinguneqarsimanersut paasinarpoq arlalinnit ilisimaneqanngitsoq, tassami pisuussutitsinnut uumassusilinnut pitsaanngitsumik sunniutsigisimasai annertummata.

Tassami atuilernitsinninngaanniit ullumikkumut ristiniq atuisut piffiiit ilaanni kattuffitsigoorlugu oqariartuuteqartoqartarsimagaluarpoq. Taamannalli oqariartuuteqartunut paasininneq killeqartarsimasoq paasinarsimmat matumuuna qaqilertariaqarsorivara peqqutigerpiarlugu ristit atulerneraninngaanniit nunatta imartaani raajanik ikilisaataasimanerat ilisimaneqarneruleqqullugu.

Soorunami ristit aalisakkanik immikkoortsiterissutitut ajunngilluinnarput, kisianni aalisagaqarfissuarni atorneqalersimapput nunatta imartaanut naleqqussaqaarnagit aammalu atulerneranninngaanniit ullumikkumut qanoq sunniuteqarsimani susassaqartut eqqartortariaqarpaat.

Siunissaq eqqarsaatigalugu ristit pitsanngorsarneqarnissaat nalilersortariaqalerparput, tassami nunatta nammineq imartaata pigisavii qaleruallit ullumikkornit pitsaaneruseqarsumik niuernikkut pisassiissuteqarnikkut nunalla innuttaanut pitsaaneruseqarsumik kinguneqassappata allaqqunneqarsinnaanngilaq oqaluuserissallutigit.

Naak ullumikkut ristit angissutsimikkut aammalu ”tupittoorsinnaaneq” eqqarsaatigalugu pitsaanerulernikuugaluaqisut ristit akuttussusai nunatta imartaanut naleqqussartariarpavut. Ristit aalisakkanik immikkoortsitineri allanngunngikkaluarlugit annertunngitsumik akuttussusai akuttuninngulaarutsigit ullumikkorniit raajarniartunut, pingaartumik sinerissap qanittuani, aningaasatigit ajunngitsumik kinguneqartussaavoq, naak allanngortitsineq aningaasartuutaasussaagaluartoq.

Siunnersuutip aningaasatigut allaffissornikkullu pisortanut kinguneqaatissai

Misissuinissamik siunnersuut Namminersorlutik Oqartussanut allaffissornikkut aningaasartuutaanissaa naatsorsuutigineqarpoq. Taamannak suliaqarneq AC-tut atorfillip ukiup qulerarterutaanik sulineranik naleqassasoq naatsorsuutigineqarpoq, aningaasanngorlugu 50.000 kr.-nik naleqassangatinneqarluni.

Siunnersuutip namminersorlutik inuussutissarsiortunut allaffissornikkut aningaasatigullu kinguneqaatissai

Soqanngilaq, kisianni siunissami ristit pitsaanagerusut atorneqarlerpata tamanna raajat aningaasarsiutaanerulernerannik kinguneqassaaq.

Siunnersuutip innuttaasunut allaffissornikkut aningaasatigullu kinguneqaatissai

Soqanngilaq.